

Hafnarfjarðarbær
Strandgötu 6
220 Hafnarfjörður

Reykjavík, 16. desember 2020
UST202012-101/Þ.V.B.
09.07.01

Efni: Umsókn um leyfi til framkvæmda - Ástjörn - dýpka vatnsrás undir brú á göngustíg

Umhverfisstofnun hefur móttækið umsókn Hafnarfjarðarbæjar, dagsett 10. desember 2020, um leyfi til framkvæmda innan fólkvangsins við Ástjörn og Ásfjall.

Svæðið umhverfis friðlandið við Ástjörn og Ásfjall er friðlýst sem fólkvangur sbr. auglýsing nr. 658/1996. Umferð ökutækja um svæðið er einungis heimil á akvegum. Mannvirkjagerð skal vera í samræmi við staðfest aðalskipulag. Önnur mannvirkjagerð er háð leyfi Umhverfisstofnunar.

Lýsing verkefnis:

Dýpka þarf vatnsrás undir hlaðinni brú á göngustíg á svæðinu. Kort sem sýnir staðsetningu framkvæmdasvæðisins fylgdi með umsókn. Vatn flæðir yfir göngustíginn og þegar frystir myndast klakahella á stígnum sem skapar hættu fyrir vegfarendur. Vinna þarf verkið í þýðu. Fara þarf útfyrir stíginn á minígröfu sem yrði notuð til að dýpka rásina. Framkvæmdarsvæðið nær um 15 metra norðaustur frá brúnni yfir göngustíginn og er um 3 metra breitt. Allt efni sem tekið yrði úr rásinni verður notað til að búa til „stoppara“ svo vatnið flæði ekki yfir móana og renni eftir rásinni undir brúna. Allt rask eftir akstur gröfuna verður lagfært. Áætlað er að verkið taki 1 dag og að því komi 2 menn. Farið verður í verkið um leið og hægt er og aðstæður leyfa.

Áhrifamat:

Umhverfisstofnun metur verkefnið ekki líklegt til að hafa neikvæð áhrif á verndargildi svæðisins á þeim tíma sem fyrirhugað er að framkvæmdin fari fram á sé skilyrðum leyfisins fylgt.

Skilyrði:

Umhverfisstofnun veitir Hafnarfjarðabæ fyrir sitt leyti leyfi fyrir dýpkun vatnsrásar innan fólkvangsins við Ástjörn og Ásfjall sbr. lýsingu hér að ofan á tímabilinu 17. desember til 31. janúar að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.
- Umhverfisstofnun skal tilkynnt um öll frávik við áður útgefna verkefnalýsingu og eins ef breyting verður á tímasetningu verkefnis eins fljótt og auðið er.

- Þar sem þörf er á að fara út fyrir göngustíg skal þess gætt að valda sem minnstu raski og fjarlægja öll ummerki um athafnir utan göngustígs að verkefni loknu.
- Virða skal umgengnisreglur sem gilda um svæðið.
- Einungis skal aka minígröfunni að og innan skilgreinds framkvæmdasvæðis sem lýst er í verklýsingu. Afmá skal öll hjólför utan göngustígs að framkvæmdum loknum.
- Gæta skal að mengunarvörnum farartækja og þess gætt að mengandi vökvi berist ekki í jarðveg og vatn.
- Þess skal gætt við akstur utan vega að hann fari fram á tímum þar sem hann veldur sem minnstu raski á jarðvegi og gróðri.
- Forðast skal óþarfa rask og stærð framkvæmdasvæðis skal haldið í lágmarki.
- Vandað verði við frágang eftir að verki lýkur.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Öll vinnutæki þurfa að vera hreinsuð áður en þau koma inn á svæðið til að koma í veg fyrir innflutning á ágengum tegundum frá öðrum svæðum.
- Vandað verði við frágang eftir að verki lýkur. Vinna skal að endurheimt og landmótun á því yfirborði sem raskast sem stuðlar að náttúrulegu útliti og um leið afmá öll ummerki framkvæmdarinnar. Þar sem við því er komið skal nýta gróðurþekjur af raskaða svæðinu við frágang á svæðinu.
- Koma skal fyrir merkingum um að framkvæmdir séu í gangi til að lágmarka truflanir á gesti svæðisins.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt

René Biasone
sérfræðingur

Þórdís Vilhelmína Bragadóttir
sérfræðingur